

REGIONAL NEWS UNIT  
ALL INDIA RADIO, AGARTALA  
Date: 06-04-2024  
Time: 07:55-08:05 PM Hrs  
BENGALI EVENING BULLETIN

---

Headlines :

- (১) পশ্চিম ত্রিপুরার লোকসভা আসন ও রামনগর বিধানসভা আসনের উপনির্বাচনের ইভিএম কমিশনিং-এর কাজ আজ থেকে শুরু হয়েছে ।
- (২) সর্বশেষ চূড়ান্ত ভোটার তালিকা অনুযায়ী রাজ্যে মোট ভোটারের সংখ্যা ২৮ লক্ষ ৬০ হাজার ২৮৭ জন ।
- (৩) বরিষ্ঠ বিজেপি নেতা এবং প্রধানমন্ত্রী নরেন্দ্র মোদি বলেছেন যে আসন্ন সাধারণ নির্বাচন শুধু সরকার গঠনের জন্য নয়, এই নির্বাচন একটি উন্নত ভারত গড়ার নির্বাচন ।
- (৪) অনূর্ধ্ব ১৫ বছরের রাজ্যভিত্তিক ক্রিকেট প্রতিযোগিতা রাজ্যের বিভিন্ন মহকুমায় আজ থেকে একসাথে শুরু হয়েছে।

\*\*\*\*\*

**EVM Commissioning :**

পশ্চিম ত্রিপুরার লোকসভা আসন ও রামনগর বিধানসভা আসনের উপনির্বাচনের ইভিএম কমিশনিং-এর কাজ আজ থেকে আগরতলার উমাকান্ত একাডেমিতে শুরু হয়েছে। পশ্চিম ত্রিপুরার

লোকসভা আসনের রিটার্নিং অফিসার ডাঃ বিশাল কুমার জানিয়েছেন, বিভিন্ন রাজনৈতিক দলের প্রতিনিধিদের উপস্থিতিতে ইভিএম কমিশনিং করা হচ্ছে। পশ্চিম ত্রিপুরা লোকসভা আসনের মোট ৭৯৩টি ভোট কেন্দ্রের জন্য ই.ভি.এম কমিশনিং এর কাজ চলবে আগামী ১০ই এপ্রিল পর্যন্ত।

\*\*\*\*\*

#### **Final voter list-TRIPURA :**

রাজ্য নির্বাচন দপ্তরের পক্ষ থেকে রাজ্যের সর্বশেষ চূড়ান্ত ভোটার তালিকা গতকাল প্রকাশ করা হয়েছে। এই তালিকা অনুযায়ী রাজ্যে মোট ভোটার সংখ্যা বেড়ে দাঁড়িয়েছে ২৮ লক্ষ ৬০ হাজার ২৮৭-তে। পশ্চিম ত্রিপুরা লোকসভা আসনের ভোটার সংখ্যা ১৪ লক্ষ ৬৩ হাজার ৫২৬ জন এবং পূর্ব ত্রিপুরা লোকসভা আসনে মোট ভোটার ১৩ লক্ষ ৯৬ হাজার ৭৬১ জন।

\*\*\*\*\*

#### **Review Meeting-Kailashahar :**

রাজ্যের মুখ্য নির্বাচনী আধিকারিক পুনিত আগরওয়াল আজ কৈলাশহর সার্কিট হাউসে এক বৈঠক করেন। বৈঠকে আসন্ন লোকসভা নির্বাচনের বিষয়ে প্রশাসনিক প্রস্তুতি, গৃহীত পদক্ষেপ ও করণীয় আলোচনা ও মতবিনিময় করা হয়। তথ্যচিত্রের মাধ্যমে ঊনকোটি জেলার ভোট প্রস্তুতির বিষয়ে তথ্য-পরিসংখ্যান তুলে ধরা হয়। উল্লেখ্য ২নম্বর পূর্ব ত্রিপুরা সংসদীয় আসনের অন্তর্গত ঊনকোটি জেলাতে ২২৫ পোলিং বুথে আগামী ছাব্বিশে এপ্রিল ভোটগ্রহণ করা হবে।

বৈঠকে উপস্থিত ছিলেন, রাজ্য পুলিশের নোডাল অফিসার তথা অতিরিক্ত পুলিশ মহানির্দেশক গুনসিন্দু রাও, C.R.P.F এর D.I.G কুর্মা ভুটিয়া, জেলা নির্বাচন আধিকারিক তথা জেলা শাসক দিলীপ কুমার চাকমা, পুলিশ সুপার কান্তা জানগির সহ B.S.F ও পুলিশের পদস্থ আধিকারিকরা। তাছাড়া সহকারী রিটার্নিং অফিসাররা, সিভিল ও পুলিশ সেক্টর অফিসারগণ বৈঠকে অংশ নেন। বৈঠক শেষে রাজ্যের মুখ্য নির্বাচনী আধিকারিক পুনিত আগরওয়াল আকাশবাণীর জেলা প্রতিনিধি অনুপম ভট্টাচার্য'কে জানান, অবাধ সুষ্ঠু ও হিংসামুক্ত পরিবেশে নির্বাচনপর্ব সম্পন্ন করতে প্রয়োজনীয় ব্যবস্থা গ্রহণ করা হয়েছে।

\*\*\*\*\*

#### **Election-review Meeting :**

পূর্ব ত্রিপুরা লোকসভা আসনের নির্বাচনের প্রস্তুতি নিয়ে আজ জহরনগরস্থিত ধলাই জেলাশাসকের কার্যালয়ে এক পর্যালোচনা বৈঠক অনুষ্ঠিত হয়। পর্যালোচনা বৈঠকে নির্বাচন কমিশনের সাধারণ পর্যবেক্ষক ভাস্কর কাটামেনি, পুলিশ পর্যবেক্ষক ভূষণ গোলাবরাও বোরসে, ও ধলাই জেলা এবং খোয়াই জেলার নির্বাচনী আধিকারিকরা উপস্থিত ছিলেন। বৈঠকে পূর্ব ত্রিপুরা লোকসভা কেন্দ্রের রিটার্নিং অফিসার সাজু ওয়াহিদ, খোয়াই জেলার জেলা শাসক চাঁন্দনী চন্দ্রান, ধলাই জেলার পুলিশ সুপার অবিলাশ রাই, খোয়াই জেলার পুলিশ সুপার ডা. রামেশ চন্দ্র যাদব উপস্থিত ছিলেন।

\*\*\*\*\*

#### **Election Review meeting-South Tripura :**

পূর্ব ত্রিপুরা লোকসভা আসনের সাধারণ পর্যবেক্ষক শচীন্দ্র প্রতাপ সিং আজ বিলোনিয়া সার্কিট হাউসে নির্বাচনী প্রস্তুতি নিয়ে এক পর্যালোচনা সভা করেন। বৈঠকে শ্রী সিং ভোটগ্রহণ কেন্দ্রগুলির পরিকাঠামোগত সুযোগ - সুবিধাগুলি সম্পর্কে অবহিত হন এবং ভোটাররা যাতে শান্তিপূর্ণভাবে ও অবাধে ভোট দিতে পারে তা সুনিশ্চিত করার নির্দেশ দেন। বৈঠকে জেলা নির্বাচনী আধিকারিক সিদ্ধার্থ শিব জয়সওয়াল, জেলা পুলিশ সুপার অশোক কুমার সিনহা উপস্থিত ছিলেন। পরে তিনি বিলোনিয়া সরকারি দ্বাদশ বালিকা বিদ্যালয়ে ঋষ্যমুখ বিধানসভা কেন্দ্রের স্টং রুমের নিরাপত্তা ব্যবস্থা পর্যবেক্ষণ করেন।

\*\*\*\*\*

#### **BJP Election Publicity :**

বিজেপি নেতা মুখ্যমন্ত্রী অধ্যাপক ডা: মানিক সাহা পূর্ব ত্রিপুরা লোকসভা নির্বাচনে বিজেপি প্রার্থী কৃতি দেবী দেববর্মনের সমর্থনে আজ কাঞ্চনপুরে এক নির্বাচনী সভায় বক্তব্য রাখেন। উপস্থিত ছিলেন সমাজ শিক্ষা ও সমাজ কল্যাণ মন্ত্রী টিংকু রায়। মুখ্যমন্ত্রী আজ কদমতলা স্কুল মাঠে এক জনসভায় ও বক্তব্য রাখেন। তিনি আজ সন্ধ্যায় ধর্মনগর শহরে প্রার্থী কৃতি দেবী দেববর্মনকে সঙ্গে নিয়ে একটি রোড শো-তে অংশ নেন। উপস্থিত ছিলেন বিধানসভার অধ্যক্ষ বিশ্ববন্ধু সেন, বিধায়ক যাদব লাল নাথ, বিজেপির উত্তর জেলা সভাপতি কাজল দাস।

\*\*\*\*\*

#### **PM, gteetings :**

বরিষ্ঠ বিজেপি নেতা এবং প্রধানমন্ত্রী নরেন্দ্র মোদী, বিজেপি নেতা অমিত শাহ এবং বিজেপি সভাপতি জগৎ প্রকাশ নাড্ডা বিজেপির ৪৫ তম প্রতিষ্ঠা দিবসে দলের কর্মীদের শুভেচ্ছা জানিয়েছেন। আজ সামাজিক মাধ্যমে শ্রী মোদি কয়েক বছর ধরে দল গঠনের জন্য কঠোর পরিশ্রম, সংগ্রাম এবং ত্যাগের জন্য কর্মীদের ধন্যবাদ জানিয়েছেন।

অমিত শাহ বিজেপিকে বিশ্বের বৃহত্তম রাজনৈতিক দল করার জন্য দলীয় কর্মীদের ধন্যবাদও জানিয়েছেন। শ্রী নাড্ডা দেশব্যাপী দল সম্প্রসারণের জন্য দলের প্রবীণ নেতাদের প্রতি শ্রদ্ধা জানিয়েছেন।

\*\*\*\*\*

#### **BJP Foundation Day :**

বিজেপির ৪৫তম প্রতিষ্ঠা দিবস উপলক্ষ্যে আজ দলের পশ্চিম ত্রিপুরা নির্বাচনী কার্যালয়ে এক অনুষ্ঠানে দলীয় পতাকা উত্তোলন করেন বিজেপি রাজ্য সভাপতি রাজীব ভট্টাচার্য। উপস্থিত ছিলেন কেন্দ্রীয় সামাজিক ন্যায় বিচার ও ক্ষমতায়ন প্রতিমন্ত্রী প্রতিমা ভৌমিক, লোকসভা নির্বাচনের বিজেপি রাজ্য প্রভারী অবিনাশ রাই খান্না, বিজেপি নেতা ভগবান দাস সহ অন্যান্য কার্যকর্তারা।

\*\*\*\*\*

#### **BJP-Fatikroy :**

B.J.P'র 45 তম প্রতিষ্ঠা দিবস উপলক্ষ্যে আজ উনকোটি জেলার ফটিকরায় মন্ডল কার্যালয়ে এক সাংগঠনিক বৈঠক অনুষ্ঠিত হয়। এখানে অনুষ্ঠিত হয় দলীয় পতাকা উত্তোলন ও দলের প্রবীণ কার্যকর্তাদের সংবর্ধনা অনুষ্ঠান। উপস্থিত ছিলেন,

রাজ্যের প্রাণীসম্পদ বিকাশ দপ্তরের মন্ত্রী সুধাংশু দাস, ঊনকোটি জিলা পরিষদের সভাপতি অমলেন্দু দাশ, দলের মন্ডল সভাপতি নীলকান্ত সিনহা প্রমুখ।

\*\*\*\*\*

**BJP, Foundation day :**

ভারতীয় জনতা পার্টির প্রতিষ্ঠা দিবস উপলক্ষে আজ রামনগর বিধানসভার নির্বাচনী কার্যালয়ে দলীয় পতাকা উত্তোলন করেন রামনগর উপনির্বাচনে বিজেপি প্রার্থী তথা আগরতলা পুর নিগমের মেয়র দীপক মজুমদার। এই কর্মসূচি শেষ করে দলীয় কার্যকর্তাদের সঙ্গে নিয়ে তিনি বাড়ি বাড়ি ভোট প্রচার শুরু করেন। সঙ্গে ছিলেন বিভিন্ন ওয়ার্ডের কর্পোরেটর টিআরটি সির ভাইস চেয়ারম্যান সমর রায় সহ দলীয় কর্মী সমর্থকরা।

\*\*\*\*\*

**PM, Saharanpur :**

বরিষ্ঠ বিজেপি নেতা এবং প্রধানমন্ত্রী নরেন্দ্র মোদি বলেছেন যে এবারের সাধারণ নির্বাচন শুধু সরকার গঠনের জন্য নয়, এই নির্বাচন একটি উন্নত ভারত গড়ার নির্বাচন। তিনি বলেন, গত পাঁচ বছরে ভারত বিশ্বের পঞ্চম বৃহত্তম অর্থনীতিতে পরিণত হয়েছে। বিজেপি প্রার্থীর সমর্থনে আজ সাহারানপুরে নির্বাচনী জনসভায় ভাষণ দেওয়ার সময় তিনি একথা বলেন। বিজেপির বরিষ্ঠ নেতা ও মুখ্যমন্ত্রী যোগী আদিত্যনাথও অনুষ্ঠানে উপস্থিত ছিলেন।

\*\*\*\*\*

**Baruni :**

প্রতি বছরের মত এ বছরও মধু কৃষ্ণা ত্রয়োদশীতে বারুণী স্নানের আয়োজন করা হয় টাউন প্রতাপগড় হাওড়া নদীর গুজারা ঘাটে। দূরদূরান্ত থেকে বহু ধর্ম প্রাণ মানুষ আজ সকালে এই ঘাটে বারুণী স্নান করেন। এই উপলক্ষে টাউন প্রতাপগরে ত্রিনাথ আশ্রমে চলে পূজা পাঠ, বসে মেলাও। এই স্নান সম্পর্কে ত্রিনাথ মন্দিরের পুরোহিত উত্তম চক্রবর্তী বলেন কথিত আছে আজকের দিনে অর্থাৎ মধু কৃষ্ণা তিথিতে গঙ্গা, যমুনা-সরস্বতী তিন নদী বা তিন বোন বছরে একবার মিলিত হয়।

\*\*\*\*\*

#### **Baruni Bath Festival-Kailashahar :**

চিরাচরিত ধর্মীয় আচার অনুষ্ঠানের মধ্য দিয়ে ঊনকোটি জেলা সদর কৈলাশহরেও আজ পুণ্য বারুণী স্নান উৎসব অনুষ্ঠিত হয়। কৈলাশহরের শ্রীরামপুরস্থিত মনু নদীর বারুণী ঘাটে আজ সকাল থেকেই ধর্মপ্রাণ শত শত নারী-পুরুষ নির্বিশেষে পুণ্য বারুণী স্নান করেন। এই উপলক্ষে শ্রীরামপুরে মনুনদীর পাড়ে রাধা মুরলীধর আশ্রমের উদ্যোগে ও বারুণীস্নান কমিটির ব্যবস্থাপনায় এক অনুষ্ঠান হয়।

\*\*\*\*\*

#### **Women's College NSS :**

আসন্ন লোকসভা নির্বাচনে নতুন ভোটারদের ভোটদানে অনুপ্রাণিত করতে আজ রাজধানীর মহিলা মহাবিদ্যালয় এনএসএস ইউনিটের উদ্যোগে এক সচেতনতা মূলক কর্মসূচীর আয়োজন করা হয়। আজ পথ চলতি মানুষজন তথা নতুন ভোটারদের হাতে ভোটাধিকার প্রয়োগ সংক্রান্ত লিফলেট বিতরণ করা হয়। এই

বিষয়ে এনএসএস ইউনিটের ছাত্রীরা জানান গণতন্ত্রের এই শ্রেষ্ঠ উৎসবে যুব সমাজ ও নতুন ভোটারদের সক্রিয়ভাবে ভোটদানে উদ্বুদ্ধ করা এবং নিজে ভোট দেবার পাশাপাশি অন্যান্যদের ও ভোটাধিকার প্রয়োগ করতে উৎসাহিত করাই হচ্ছে কর্মসূচীর মূল উদ্দেশ্য।

\*\*\*\*\*

### **Mock poll :**

সিপাহীজলা জেলার বিশালগড় মহকুমার মহিলা ভোটকর্মীদের দ্বিতীয় পর্যায়ের প্রশিক্ষণ আজ শেষ হয়েছে। অফিসটিলা দ্বাদশ শ্রেণী বিদ্যালয়ে আয়োজিত এই প্রশিক্ষণ কর্মসূচিতে প্রায় ১১৫ জন মহিলা ভোটকর্মী অংশগ্রহণ করেন। বিশালগড় মহকুমার ৩টি বিধানসভা কেন্দ্রই পশ্চিম ত্রিপুরা লোকসভা আসনের আওতাধীন। সিপাহীজলা জেলার অতিরিক্ত জেলাশাসক সুব্রত মজুমদার জানিয়েছেন নির্বাচন কমিশনের নির্দেশ মতো প্রতিটি বিধানসভা কেন্দ্রে ২টি করে পোলিং বুথ থাকবে মহিলা ভোটকর্মী দ্বারা পরিচালিত। কিন্তু বিশালগড় মহকুমার বিশালগড় বিধানসভা কেন্দ্রে অতিরিক্ত ১২টি বুথে ভোটগ্রহণের দায়িত্বে থাকবেন মহিলা ভোটকর্মীরা। তার বাইরে মহিলা ভোটকর্মীদের ৫টি দল থাকবে রিজার্ভ।

\*\*\*\*\*

### **BJP, Campaign:**

পশ্চিম ত্রিপুরা লোকসভা আসনের বিজেপি প্রার্থী বিপ্লব কুমার দেবের সমর্থনে আগরতলা বিধানসভা কেন্দ্রের পুর নিগমের ১৩ নম্বর ওয়ার্ড থেকে আজ এক পদযাত্রা অনুষ্ঠিত হয়। উপস্থিত



ছিলেন বিজেপি সহ সভানেত্রী পাপিয়া দত্ত, ১৩ নম্বর ওয়ার্ডের কর্পোরেটর গৌতম চন্দ সহ বিজেপি কর্মী সমর্থকরা।

শ্রী দেব আজ বড়জলা বিজেপি মন্ডলের উদ্যোগে পশ্চিম ভুবনবনে শক্তি কেন্দ্র ভিত্তিক সাংগঠনিক বৈঠকে অংশগ্রহণ করেন। তছাড়া তিনি চানমারী মুক্তিপল্লী শক্তিকেন্দ্র ও পশ্চিম ভুবনবন শক্তিকেন্দ্র ভিত্তিক সাংগঠনিক বৈঠকে অংশগ্রহণ করেন।

\*\*\*\*\*

#### **I.N.D.I.A Bloc-Kailashahar :**

ইন্ডিয়া জোটের উদ্যোগে আজ কৈলাশহরের ঊনকোটি A.D.C ভিলেজের শিববাড়িতে এক প্রকাশ্য সভায় বক্তব্য রাখেন, পূর্ব ত্রিপুরা সংসদীয় আসনের ইন্ডিয়া জোট সমর্থিত সি পি আই (এম) প্রার্থী রাজেন্দ্র রিয়াং, প্রাক্তন P.C.C সভাপতি তথা বিধায়ক বীরজিৎ সিংহ প্রমুখ। এদিকে স্থানীয় নূরপুরে আয়োজিত সভায় ভাষণ দেন, প্রার্থী রাজেন্দ্র রিয়াং, জেলা কংগ্রেস সভাপতি মোঃ বদরুজ্জামান, সি,পি, আই (এম) এর মহকুমা সম্পাদক বিশ্বরূপ গোস্বামী প্রমুখ।

\*\*\*\*\*

#### **India Bloc-Belonia :**

ইন্ডিয়া জোট সমর্থিত কংগ্রেস প্রার্থী আশীষ কুমার সাহার সমর্থনে আজ বিলোনিয়ার পূর্ব কলাবাড়িয়া, মনুর মুখ, গ্যারেজ টিলা, ভারতচন্দ্র নগর স্কুলটিলা, সুকান্ত কলোনি, বল্লামুখা ও ঈশানচন্দ্র নগরে ইন্ডিয়া জোটের নেতৃবৃন্দ নির্বাচনী প্রচার করেন। প্রচারে ছিলেন বিধায়ক দীপংকর সেন, সিপিআইএম বিলোনিয়া

মহকুমা সম্পাদক তাপস দত্ত, বিলোনিয়া ব্লক কংগ্রেস সভাপতি  
দেবশীষ মজুমদার প্রমুখ।

\*\*\*\*\*

**Heroin, Khowai :**

গোপন সংবাদের ভিত্তিতে খোয়াই মহকুমা পুলিশ আধিকারিক  
পৃষন কান্তি মজুমদার, থানার ওসি সুবীর মালাকার, সেকেন্ড  
অফিসার যুগল ত্রিপুরা সহ টি এস আরের একটি দল খোয়াই  
বনকর এলাকা ঘেরাও করে আজ কয়েক লক্ষ টাকার হেরোইন  
সহ এক যুবককে গ্রেফতার করে। তার বাড়ি বনকর এলাকায়।  
ধৃত যুবকের কাছ থেকে হেরোইন ছাড়াও ৯০ হাজার টাকা এবং  
তিনটি মোবাইল ফোন উদ্ধার করা হয়। মহকুমা পুলিশ  
আধিকারিক জানিয়েছেন তার বিরুদ্ধে এন ডি পি এস ধারায়  
একটি মামলা নেওয়া হয়েছে।

\*\*\*\*\*

**Heroine :**

খেজুরবাগানের গোয়ালাবস্তি এলাকায় এক বাড়ি থেকে চার লক্ষ  
টাকার হেরোইন বাজেয়াপ্ত করেছে পুলিশ। আজ পশ্চিম জেলার  
এসপি কিরন কুমার কে এনসিসি থানায় সাংবাদিক সম্মেলনে এই  
খবর জানিয়েছেন। তিনি বলেন, হেরোইনের সঙ্গে ১৮ হাজার  
খালি কৌটা উদ্ধার হয়েছে। এছাড়া ১০০ কৌটায় হেরোইন ভর্তি  
ছিল। হেরোইন উদ্ধারের ঘটনায় এক মহিলাকে গ্রেপ্তার করা  
হয়েছে বলে এসপি জানিয়েছেন। সাংবাদিক সম্মেলনে উপস্থিত  
ছিলেন এসডিপিও সুব্রত বর্মণ এবং এনসিসি থানার ওসি সুশান্ত  
দেব।

\*\*\*\*\*

### State wise 15 Cricket :

টিসিএ পরিচালিত অনূর্ধ্ব ১৫ বছরের রাজ্যভিত্তিক ক্রিকেট প্রতিযোগিতা রাজ্যের বিভিন্ন মহকুমায় আজ থেকে একসাথে শুরু হয়েছে। প্রথম দিনে সাতটি খেলা হয়। এতে তেলিয়ামুড়ার মাঠে সদর-বি ৮ উইকেটে আমবাসাকে, রাণীরবাজার মাঠে সদর-এ ২৪৭ রানে জিরাণীয়াকে, বিশালগড়ের মাঠে মোহনপুর ১০৮ রানে সোনামুড়াকে, ধর্মনগরের মাঠে লংতরাই ভ্যালী ৯৯ রানে স্বাগতিক ধর্মনগরকে, কৈলাসহরের মাঠে স্বাগতিক কৈলাসহর ৪৪ রানে কমলপুরকে, উদয়পুরের মাঠে স্বাগতিক উদয়পুর ১০০ রানে সাব্রুমকে এবং বিলোনীয়ার মাঠে স্বাগতিক বিলোনীয়া ৯৩ রানে শান্তিরবাজারকে পরাজিত করে।

\*\*\*\*\*

### T20 Cricket :

টিসিএ পরিচালিত সমীরণ চক্রবর্তী স্মৃতি ঘরোয়া টি-২০ ক্রিকেট প্রতিযোগিতায় আজ ছয়টি খেলা অনুষ্ঠিত হয়। নরসিংগড়ের টিআইটি মাঠে অনুষ্ঠিত দুটি খেলায় কসমোপলিটান ক্লাব ৮ উইকেটে ওল্ড প্লে সেন্টারকে এবং হার্ভে ক্লাব ৭ উইকেটে পোলস্টার ক্লাবকে হারিয়ে দেয়। এম বি বি স্টেডিয়ামে দুটি খেলায় স্ফুলিঙ্গ ক্লাব ১১৩ রানে বনমালীপুর ক্রিকেট ক্লাবকে এবং চলমান সংঘ ৮ উইকেটে মৌচাক ক্লাবকে পরাজিত করে। এছাড়া নরসিংগড়ের পিটিএ মাঠে অপর দুটি খেলায় সংহতি ক্লাব ৯ উইকেটে শতদল সংঘকে এবং জয়নগর ক্রিকেট ক্লাব ১১৩ রানে ইউনাইটেড বি এস টিকে পরাজিত করে।

\* \* \* \* \*